

Хүндүлүг номчукчулар! Республиканың амыдыралындан чыда калбас дизиңерзе, «Шын» солунну чагыдып алыңар!

ЧАГЫДЫЛГАНЫҢ ӨРТЭЭ: хууда чагыдыкчыларга 2002 чылдың ийги чартыбында — 185 рубль, 3 айда — 93, 1 айда — 31 рубль.
Организацияларга 6 айда — 238 рубль, 3 айда — 119 рубль.
Экспресс чагыдылганы неделяның кайы-даа хүнүнден эгелеп чагыдып ап болур силер.



ШЫН

НИИТИЛЕЛ-ПОЛИТИКТИГ СОЛУН

1925 чылдың
август 31-де
үнүп эгелээн

№ 64 (16522)

2002 чылдың
ИЮНЬ 6,
четверг

Ат салган шагы 18.20
Садар өртээ 3 рубль.

БҮГҮДЕГЕ ХҮНДҮТКЕЛДИГ ГЕШЕ ДЖАМПА ТИНЛЕЙ!

Силерниң 40 харлаан хүнүдөр таварыштыр чүректин болгаш сеткилдин ханызындан байыр чедиришкенивисти хүлээп ап көрүңер.

Бистерни Силерниң-биле делегейге хамаарыштыр көрүжүвүс болгаш чүгле угаанныг мерген кижиге, кижизиг ниитилел, эл-найыралдыг күрүне, төңчү чок дириг чуртталганың чаңгыс ниити куржаанче кирип шыдаар кижиге ынакшыл, бодунуң Черинге ынакшыл — чуртталганың дазылы, өзээ деп чүвени медресе турарывыс каттыштырып турар.

Боттарыңарның өөредилгелер, мөргүлүңер-биле улустарны шажын-чүдүлгелге, сүзүлгелче оттуруп, боттарыңарның үлегериңер-биле материалдыг чүүлдер кижилерге кезек үеде херек, а арын-нүүр болгаш төлөптүг чорук кижини база оң салгалын кезээ мөңгөдө камгалап, алдаржыдып деп чүвени көргүзүп чорууруңарга өөрүп чоруур бис.

Сарыг шажынның идеологиязы кижиге төрөлгөтөнниң төөгүзүндө келир үелиг база бүтү талаалыг, ол бистиң Тывавыстың чаагай чоруу дээш үлүүн кирип турар, чүге дээрге тайбынны болгаш шыдамык чорукту кижизидеринге кончуг улуг салдар болуп турар болгай.

Силерниң республикавыска кээп турарыңарга кезээде өөрүүр бис.

Силерге кадыкшылды, чогадыкчы узун назынны, улустарның чуртталгазын мерген болгаш чаагай чоруктуң негелделеринге төлөптүг кылыр дээн күзелиңер боттарыңар күзээр-дир бис.

Хүндүткел-биле,

Тыва Республиканың Чазак Даргазы Ш.Д. ООРЖАК.

2002 чылдың июнь 5.

ТР-ниң Чазаанда

ШЫҢГЫЫ НЕГЕЛДЕНИ ТУРГУСКАН

Тыва Республиканың Чазааның ээлчеглиг хуралы июнь 4-те болуп эрткен. Ооң ажылынга Тыва Республиканың Чазааның кожуннарда, хоорайларда девискээр эргелелдериниң удуртукчулары, кожуннар, хоорайлар чагыргаларының даргалары киришкен.

Тыва Республиканың Чазак Даргазы Ш.Д.Ооржак хуралдың эгезинде хүн чурумунда кирген республиканың политиктиг, социал-экономикиг амыдыралының бүтү адырларынга хамаарыштыр чугула айтырыглар киргенин Чазак кежигүннеринге дыннаткан. Блангыя 2002 чылда узун хуусаада кадрлар белеткээрининг хемчеглерин база 2001 чылда РФ-тиң ортумак болгаш дээди өөредилге черлеринче абитуриентилериниң шылгалдаларын анализтээринге хамаарышкан айтырыгга Ш.Д.Ооржак элээн доктааган.

Чазак Даргазы республиканың өөредилге болгаш эртем талазы-биле күрүне комитетиниң ортумак болгаш дээди эртемниг кадрлар белеткээриниң талазы-биле ажылынга таарзынмаанын чугаалаан. Ол ук комитеттин удуртукчулары өөредилге олуттарынга хамаарыштыр чагыглар кирирде, чүгле телефон таварыштыр ажылдап, Мос-

ква, Санкт-Петербург хоорайларның өөредилге черлеринге боттары сургакчылар барып, дириг чугаа-биле дугуржулга чорутпайн турарынга таарзынмаанын илереткен.

Амгы үениң негелдезинге дүгжүп турар эртемнер аайы-биле бедик мергежилдин тускай эртемниглерин чедип алырда, чүгле Сибириниң эвес, а Россияның Европа талазының өөредилге черлеринге өөредилге олуттарын дугуржуп алыры чугула дээрзин Чазак Даргазы айыткан.

Бо чылдың күскү айларынга чедир хуусааны ТР-ниң өөредилге болгаш эртем талазы-биле комитетке бергеш, ынчан өөредилге талазы-биле кадрлар белеткээрининг талазы-биле түң-нелдерни дыннаар. Байдал ол-ла хевээр болур болза, ук комитетти дүжүрериниң дугайында айтырыгны тургузарын аңаа чугаалашкан.

Бистиң корр.

ТЫВА РЕСПУБЛИКАНЫҢ ЧАЗАК ДАРГАЗЫНЫҢ ЧАРЛЫКТАРЫ

Кызыл хоорайның мэриниң — Кызыл хоорай чагыргазының даргазының соңгулдаларын эрттирер дугайында

“Россия Федерациязының хамаатыларының сонгуур эргелериниң кол магадылалдарының болгаш референдумга киржир эргелер дугайында” Федералдыг хоойлунуң 10 чүүлүнүң 1 пунктузун, Тыва Республиканың Конституциязының III чүүлүнүң 3 кезээн база “Тыва Республикага тус чер бот-башкарылгазының соңгулдалыг албан-дужаалдыг кижилериниң соңгулдаларының дугайында” Тыва Республиканың Хоойлузунуң 6 чүүлүнүң 1 болгаш 3 пунктуларын удуртулга болдургаш, **доктаадырым болза:**

1. Кызыл хоорайның мэриниң — Кызыл хоорайның чагырга даргазының соңгулдаларын 2002 чылдың октябрь 13-те эрттирер.
2. Бо Чарлык ону албан езузу-биле парлаан хүнүнден күштүг болуп кирер.

Тыва Республиканың Чазак Даргазы Ш.ООРЖАК

Кызыл хоорай
2002 чылдың июнь 5.
№ 25

Ак-Довурак хоорайның чагырга даргазының катап соңгулдаларын эрттирер дугайында

Тыва Республиканың Конституциязының III чүүлүнүң 3 кезээн, “Тыва Республикага тус чер бот-башкарылгазының соңгулдалыг албан-дужаалдыг кижилериниң соңгулдаларының дугайында” Тыва Республиканың Хоойлузунуң 63 чүүлүнүң 1 болгаш 2 пунктуларын удуртулга болдургаш, **доктаадырым болза:**

1. Ак-Довурак хоорай чагырга даргазының катап соңгулдаларын 2002 чылдың сентябрь 22-де

- эрттирер.
2. Бо Чарлык ону албан езузу-биле парлаан хүнүнден күштүг болуп кирер.

Тыва Республиканың Чазак Даргазы Ш.ООРЖАК

Кызыл хоорай
2002 чылдың июнь 5
№ 26.

ЧОГУМЧАЛЫГ ШИИТПИРЛЕТТИНГЕН

Июнь 4-те ТР-ниң Чазааның Бажыңыга “Красноярскэнерго” акционер ниитилелдин чингине директору Михаил Васильевич Кузичев, ооң оралакчызы, саң-хөө талазы-биле директор А.В. Никитин, чингине директорнун оралакчызы корпоративтиг башкарылга талазы-биле директор В.С.Евимов олар-биле ТР-ниң Чазак Баштыңы Ш.Д.

Ооржак, экономика сайыдының хүлээлгезин күүседип турар Сапова, энергетика сайыдының хүлээлгезин күүседип турар Н.О.Даңзы ужурашкан.

Аңаа чугаалашкан кол айтырыг “Тываэнерго” эде тургузарының дугайында болган. Эде тургузуушкуннун кол схемазын ийи тала бүтү тала-биле өөренип көрүп, чаңгыс аай хүлээп көрүүш-

күннү чедип алган. Ийги кол айтырыг ЧЭТ-ти делгемчидеринге хамаарышкан. Хей түнүг акша-хөреңги-биле холбашкан болурга, бо айтырыгны РФ-тин Чазааның деңнелинге шийт-пирлээри көрдүнген. Дараазында айтырыглар өре-шире, кадрлар дугайында болган. Айтырыгларның кол нуруузу чогумчалыг шийтпирлеттинген.

ЧААРТТЫНГАН КӨВҮРҮГ

● Июнь 11-де ажыглалга кирер ●



Кызыл хоорайда Енисейни кежир көвүрүгнүң ийи чыл иштинде уламчылаан септелгези төнер чоокшулаан. Ынчангаш чамдык бедик албан-дужаалдыг кижилерниң аразында: “Көвүрүгнүң септелгезин мен чоруткан мен” — деп, турар даргалар көвүдээн. Чамдык солуннарда

“Тываавтоорук” эргелелиниң начальниги Салчак-оол Саянович Санаа июнь 5-те массалыг информация чепсектериниң ажылдакчылары-биле парлалга конференциязын эрттирген.

шын эвес фактыларлыг материалдар-даа үнгүлээн.

Херек кырында 1963 чылда туттунган эрги көвүрүгнү түр хаарын-даа, ооң септелгезин-даа “Тываавтоорук” эргелели чоруткан. Бир эвес бо албан чери ук көвүрүгнүң септелгезин өй-шаанда чорутпаан болза, ол бодунуң хей тонна аар деңзизин угбайн, барып дүжүп болур турган. Ам көвүрүгнүң боду болгаш ооң туттунуп турар чагылары үндезини-биле чаарттылган. Көвүрүгнүң дооразы мурнунда 7 метр турган болза, ам 13,5 метр

апарган. Ооң дөрт азынга болат даштан кылган аъттар турар. Көвүрүг хөлчөк чараш болур. Көвүрүгнүң септелгезинге нитизи-биле 135 миллион рубльди чарыгдан. Септелгениң саң-хөө айтырымы Россияның автоорук албаны дамчыштыр хандырылган. Ук акша-хөреңгини дугуржурунга ТР-ниң Чазааның Даргазы Ш.Д.Ооржактын дузазы улуг болган.

Көвүрүгнүң ажыдышкыны июнь 11-де хүндүскүнүң 11 шакта болур.

Борис ОНДАР.

ЫНЧАН ААЛ-ОРАН, ТАЙГА-СЫН...

Чер кырында бар бүгү халаптарның эң айыылдыгы — өрт. Ону болдура бээр буруу кижилер-биле хүн бүрүнүн доктаамал ажылды чорудары. Ынчангаш өртке удур албан чериниң эрге-байдалы улгаткан. Республикада өртке удур эргелел мурнуку чылдарда Иштики черектер яамызынга турган. Тыва Республиканың Онза байдалдар болгаш хамааты камгалал яамызының сайыдының оралакчызының эрге-байдалының деңгелинде өртке удур эргелелдин начальнигин көдүргөн.

Тыва Республиканың Чазак арга-арыг кирип, балыктаарын хоруур дугайында доктаалды өй-

Михаил Салчак-биле чугаалашканывыс хүн сугатчыларга чедер артык бензин садып, күш

Канчангаш-ла көрүп кээрге, харлыг кыжы дүжүп келир...

Энергияны уш-баш чок харамнанырга, көдээниң чымьжы үстүр, чоннуң хууда амыдыралы бергедежир. Ооң орнунга энергетиктер кожуун чагыргаларын дамчыштыр керээлер, дугуржулгаларын экижидериниң хемчеглерин тывышса, ажыктыг болгу дег. Дораан-на «күжүн дөгээрге», чоннуң «аксы-боскун үзе кезерге» кайын тааржыр. Салым-чол, келир шаг-үени магадылаар көдээ амыдыралдың хөнүп чадап турары энергия ээлеринге шаг-да-ла билдингир болгай. Амыдырал бергедеэрге, ажыл чоктар

кожуун девискээриниң иштинде өрт айылы болган объектилер, черлер чизе-даңзызы демдеглээн журнал көргүстү. 2002 чылдың эгезинден чоокку хүннерге чедир улашкан өрттерни, ооң чылдагаанын, чидириг, когаралдарның шуптузун ында бирээден бирээ чокка чыып бижээн. Өрт айылы болу бээр болза, дүвүрэнчиг медээ соон дарый чоруптар автомашиналар белең. Караул кежигүннери, автотранспорт рулюнуң артынга оран тускай белеткелдиг дайынчылар-биле база ужураштывыс.

Автомашина — анаа транспорт эвес, бир тускай белеткел-

чериниң шиитпирлеттинмейн келген чидиг айтырыгларын база билип алдывыс. Ол дээрге кезектиң материал-техниктиг баазасы, турар чери. Өртчүлерниң ажылдаар бажыңының кыры, үстүкү ханалары буступ дүжөрүнүн кырында келген. Бааза, курлавыр чоорту экижиг бээринге бүзүрел бар. Онза байдалдар яамызының составынче кирип кааны анаа эвес болдур ийин.

Кижиги бүрүзүңге от-кестен серемчилелдиг болуру кажандаа артык эвес. «Өлден — артар, өрттен — артпас» деп үлегер домак ужур-дөстүг. Ол дээрге салгалдан салгал дамчаан улуг дуржулга. Бай-Тайга кожуунга бо чылдың эрткен айларында чамдык өрттерниң, айыыл-халаптарның бир каш чижектерин маңаа демдегледер көрей. Кыварчаар чүүлдерни шын эвес ажыглаанындан бир автомобиль өрттенген, Дружба суурнун Хараар-Тей кудумчунун бир бажыңының кажазы өртке алыскан. Оон мал бажы база когараан. Ниити когаралдың түңү 55 муң рубль кылдыр санаттыңан. Ооң чылдагааны — электри четкизин шын эвес ажыглааны.

Бай-Тал суурнун Ленин кудумчунда 31 дугаар бажың чанынга сиген өрттенген. Садыгсаймаа ажыдары, сайгарары ээ кижиден харысалганы албан негээр. Бо чылдың апрель 19-та Тээли суурнун иштинде «Айдыс» садыгның девискээри өртке таварышкан. Хайгаарал чок арткан 7 харлыг оол от-биле ойнааш, «Бай-Тал» күрүне каттышкан бүдүрүлгениң Шындазында хонаш-турлагны өрттөткөн. Когаралдың түңү 73 муң рубль.

Бир эвес кожуун, суму чагыргалары, чоннуң эрге-ажыктары дээш туржуп турар күштер бир дем-биле ажылдаар болза, ажылдаар черлер калбаа-биле тургустунар. Көдээге чурттап ора, мал, чер-биле ажылдар чүдүрүмө, ажыл чок чорук республиканың мал, чер ажылдыгларының турбас ужурлуг. Ынчан тайга-сын, арга-арыг өрт-халапка алыспас. Бөгүнде сыын мыйызы, садыкы дег чүүлдер чыгдыңган кижилер бергениң бергезинге таваржып, төрөөн черинге өрт үндүреринден-даа чалданмай турар. Дүшкүүрлүг байдалды чымчадыры тус чер чагыргаларының арын-нүүрүнде деп билип турар мен. Россия Федерациязы, Тыва Чазак болдунар-ла хемчеглерни кылып, ээ көрнүп турарын утпаалы.

Аралчор ОКСУР.
ЧУРУКТАРДА: Бай-Тайгада 6 дугаар өрт кезээ белең байдалда.

Василий БАЛЧЫЙ-ООЛДУН
тырттырган чуруктары.



шаанда — 2002 чылдың апрель 15-те хүлээп алган. Кызыл хоорай, кожууннар, сумулар чагыргалары ук доктаалды күүседир талазы-биле чедир боттук хемчеглер албаан. Түннелдер илдең болгаш көстүп тур. Кызылда, кожууннарда сыын мыйызы хүлээп алыр черлер ажылын кажангызындандаа артык телерадио, солун, сеткүүл дамчыштыр үргүлчүлөвишаан. Сактырга, оон өске ажылдар республика девискээрлеринде чок-даа ышкаш.

Херек кырында кайын ындыг болур. Часкы сугат, мал бажын өстүрер болгаш ажаап-тежээр, төнмөс-батпас ажыл-херектер барык чүдүрүмө. Чижээ, Бай-Тайга кожууннун Ээр-Хавак сумузунун доктаамал ажыл чок эр кижилери сугатта бир бригада болуп ажылдап турар. Ооң бир кежигүнү Михаил Салчак өөрү-биле кады эрткен чылын багай эвес картофель дүжүдүн өстүргөн. Хууда мал-маганың-даа кижиги болду. Сезоннуг ажылдары-биле чергелештир печка салыр, идик кылыр, өске-даа ажыл-ишке оон ус-шеверин сонуургадым.

— Бо хүннерде картофель, ногаа, тараа шөлүңге эң чугула үүле-херек сугат база катап сугат — дээш, сугаттың бүгү чорудугларын ол делгеренгейи-биле тайылбырлады.

Сугаттыг шөлү Эдер-Куйда.



четпейн бардывыс. Чүге дээрге кожуун төвүнүн бензин кудар чери (хөктүг аа?) сезон үезинде электри чыры-биле хандыртынмаан болган. Кыварчаар чүүл чокта, бичии-даа үүле-херек албан саадалдыг. Харын-даа Крыловтун баснызы сагышка кирер. Ала-чайны өттүр электри күчүзүн ажыглаваска, «...

хөлүн эрттир көвүдээш, чер кезип, өрт айылын болдуруп турар.

Кожуун төвүндөн бичии озалааш сугат шөлдеринге чедип чадааш, Бай-Тайга кожуунда беш дугаар өрт кезээниң ажыл-херектери-биле бо удаада таныштывыс. Кезек начальниги-ниң оралакчызы капитан Чанхоо

диг улуг күчү. Өрт шеринин чуруму дайынчы байдалда чорду. Караулдун составы Виктор Ооржак (начальниги), Алексей Салчак, Владимир Хертек, Радомир Мижит-Доржу. Дөрт-даа болза, кожамык ырыда дег, дөртөн кижиги шинчилиг.

Өрт кезээнде шериг аян-шинчи бар. Ынчалза-даа ук албан

